


天一閣藏明代方志選刊

天一閣藏明代方志選刊

畧陽縣志



V314
一九六三年四月上海古籍
書店據寧波天一閣藏明嘉
靖刻本景印原書版框高一
九·二公分寬一四·八公分

略陽縣志敘

嘉靖丁未冬余出守寧羗舍
寇起遂單騎巡兵入畧時漢南洶
詢不暇稽其文獻也寇定又入畧
撫其遺黎涿白水而上陟靈巘渡
嘉陵眺來歎兵臺探藥水洞見疊
巘環流慈憐可觀秀意風教宜與上



邑並而稽其文獻率淪斃無聞戊
申冬晉李君遇春來典茲土瘡痍
荐起言度胥飭父教曄々以興四
三年來非復管之略矣壬子秋余
欲勸修郡乘乃檄李君以畧志附
略故無志也君即搦觚為之再浹
旬而成將別梓焉且巨叙請余畧

嫺於辭顧李君於余北都舊遊也
其志同乃今鈞蒞天漢也其敷政
又同始讀其篇軫之明備括英條
殫力亦鉅矣抉竒剔隱志亦勤矣
可以覘文焉徐閱之疆域析矣戶
口蕃矣田賦理矣祠祀秩矣城輶
新兵農一矣可戶察政焉終驗之

絃誦作矣士詵有造有濼矣可
以徵教焉志以而君之懿具矣若
其體裁義例余弗遑讐校也然事
咸實錄固信史也因今稍芟其蕪
蔓者梓之

嘉靖壬子長至日西蜀六臺山人

李應元敘



畧陽縣誌序

誌在郡邑猶史之於國譜牒之於家也無史何以
國爲無譜牒何以家爲無誌則何以郡邑爲哉前
乎千百年所恃以不朽後乎千百年所恃以取徵
以其有典籍爾而可忽乎成周盛時疆理萬國經
制大備天下之圖掌以職方邦國四方之誌領以
小史外史又土訓得以詔地求誦訓得以詔觀事
治化卓不可及有自來者故曰郁郁乎文哉及其
周衰禮廢自漢以來誌地里紀方輿者代有其人

雖得失不能無議要皆成周之遺意自今觀之其
時相去千載之久能循其法雖四方萬國道里之
遠不出戶庭其地之所有者一一如指諸掌惟誌
焉是求耳郡邑矣可以無誌哉畧陽漢之屬邑焉
古梁州之域星分輿鬼之次舊屬涇州復俱爲縣
其地多山水平原川壤絕少民俗朴質先代以來
亦有名賢隱士其來歷興廢改遷之由詳見於篇
茲不復贅物產之饒由大江通於川蜀其可誌者
多矣故闕而無徵殘而未備有待於今日非偶然

爾蓋亦有數也耶夫誌之作不徒紀述爲文具也
世變猶江河日趨於下誌在郡邑亦維持世教之
一助也民有以稽其俗士有以考其學官於此者
有以驗其政曰是地也是人也是政也在昔則然
矣於斯反薄爲淳黜浮爲雅去其不善以就於善
期不愧於誌者必自茲始故曰建事在求多聞師
古乃克永世此之謂也誌之義大矣哉遇春承乏
是邑嘉靖戊申冬十二月履任之初適大寇劫掠
之後民物凋敝十室九空政廢教弛民逃地無殆

非昔日之畧陽矣予受任不遑憂思萬狀曲爲撫恤幸賴天道順序雨暘時若穀麥登三載之內百姓始安由今視昔可謂大有之時矣於是平政以敦典禮因時以興文事近奉

郡伯公臺公明文取邑誌附郡同脩因求古誌不存往事無稽遂謀於賢士夫諸君子遍訪古蹟收覽殘篇襲之以諸公高見宏識輯以成帙於是山川人物風俗戶口田賦貨利制度畫一無不備載則皆傳而不朽者也則多善而可徵者也雖時異

勢殊而事理之不可易者千載猶一日也察古今之變相風土之宜驗好惡之情究沿革之制因其時而不失其故諸君之錄夫豈有不善者哉非區區冗俗役於簿書者比也脩誌總裁則有掌教曹君子漁司訓曹君鑾上舍李君東甲賈君言同脩協謀者則致政何君洋張君傑劉君儀王君仲傑皆與焉予則供給其事而已諸君屬予爲文辭之不獲姑序此以紀其歲月云爾

嘉靖壬子秋八月吉日

畧陽縣知縣晉襄垣李遇春撰

重修畧陽縣誌序

凡士君子著作纂述蓋必其可以培植人心維持教化而關世道之重輕則作之者爲無愧而實之者爲有光矣不若是雖無作可也畧陽舊有誌書爲白私者收隱無從考集嘉靖戊申

邑侯李公遇春來宰是邑蚤作暮思惓惓以淑人心敦教化爲首務越壬子政通人和百廢具舉公餘徧閱載籍稽諸遺老叅以舊聞重加脩輯舊者釐新者續訛者訂闕者補卷分類別事核理明蓋

一邑之全書近世以來未之有也言與李友東申
辱知于公公暇出志稿以示遂命以校補之責尋
獲諦觀迺灑然色勃心怵旨哉公之作也圖書兼
舉義例精到惟當寶如拱壁以昭示方來夫復何
辭揚子曰言心聲也字心畫也觀言與書可以知
人豈非誌箴耶公誌之作非徒以廣記載備考訂
而已也蓋將表其山川之美人物之盛風俗之淳
可以爲養人心興教化之助耳使人之產於吾鄉
者慕其善必於是焉興之罹其咎必於是焉反之

所以培植人心維持教化有關於世道也亦重矣
哉豈曰小補云乎若夫分野疆域之有定界戶口
賦役之有定數城池橋梁祠廟陵墓之有定所特
其餘耳公傳於家者真積之學脩於身者立教之
本將以大用于時而小試以邑宰之任然其斯誌
之作乃姑寄其爲政之迹而刻梓之傳又爲後之
求牧與芻於吾邑者告且以告吾邑士民焉耳是
爲序

嘉靖壬子秋八月念七日太學生賈言撰

畧陽縣誌凡例

一採摭疆域事類於寰宇記風土記輿地記秦漢以來建置沿革及

大明一統史傳勝覽諸書叅錄

一纂述事件先揭題目於前大書其綱分註事實於下有補者縱辭繁不殺無益者雖傳實亦削一纂識山川所以志地道之形勝險易縣境中惟有嘉陵江白水路青泥道石門梁本末始載餘不悉記其平岡峻嶺崇山小阜泉河井橋關隘